

UCAPAN YAB PERDANA MENTERI,  
DATO HUSSEIN ONN, SEMASA  
MERASMIKAN MESYUARAT PERWAKILAN  
UMNO BAHAGIAN JOHOR BAHRU,  
DI KELAB GOLF TASEK UTARA,  
PADA HARI JUMAAT, 15HB MEI, 1981,  
JAM 9.00 PAGI.

Y. B Wakil Menteri Besar,

Yang Berhormat-Yang Berhormat,

Dif-dif Kehormat,

Para Perwakilan dan Pemerhati,

Tuan-tuan dan Puan-puan sekalian.

Alhamdulillah, syukur saya ke hadrat Allah Subhanahu Wata'ala, kerana dengan limpah kurnia dan izinNya-dapat kita bersama-sama berkumpul sekali lagi untuk menghadiri Mesyuarat Perwakilan UMNO Bahagian Johor Bahru, pada pagi ini.

2. Saya bersama-sama rakyat Negeri Johor merasa dukacita, di atas kemangkatan Duli Yang Maha Mulia Sultan Ismail. Bersama-samalah kita berdoa, semoga roh Almarhum itu dicucuri rahmat.

...2/-

2.

3. Saya mengambil kesempatan ini untuk mengucapkan setinggi-tinggi terima kasih kepada saudara-saudara sekalian yang telah mendoakan kejayaan pembedahan dan keselamatan saya.

Tuan-tuan dan Puan-puan sekalian.

4. Saya tidak bercadang untuk membuat ucapan yang panjang. Saya cuma akan menyentuh beberapa perkara sahaja.

5. Saya merasa sukacita kerana Bahagian ini mempunyai barisan pemimpin yang aktif dan

...3/-

### 3.

berkeboleharuserta ahli-ahli yang bersefahaman dan bersatupadu. Alhamdulillah, ini, di samping menjamin perjalanan Bahagian yang berkesan, telah juga meringankan beban saya di dalam menjalankan tugas-tugas sebagai Ketua Bahagian. Saya mengambil kesempatan ini untuk mengucapkan setinggi-tinggi terima kasih kepada sekalian pemimpin dan ahli Bahagian ini, yang memahami tanggungjawab-tanggungjawab saya dan memberi sokongan serta kerjasama, untuk menjamin perjalanan Bahagian ini dengan berkesan. Sokongan serta kerjasama ini amat saya hargai.

4.

Tuan-tuan dan Puan-puan sekalian.

6. Kita baru sahaja menyambut hari ulangtahun ke-35 penubuhan UMNO. Sempena dengan ulangtahun penubuhan Parti yang kita kasehi ini, elok sekali kita renungi kejayaan-kejayaan serta cabaran-cabaran yang telah dihadapi oleh Parti. Faktor-faktor yang menjadi asas keutuhan dan kejayaan UMNO setakat ini, mistilah diberi perhatian penuh teliti dan dijadikan teras panduan perjuangan kita, di dalam menghadapi cabaran-cabaran di masa hadapan.

... 5/-

## 5.

7. UMNO telah ditubuhkan untuk memperjuang dan melindungi kepentingan masyarakat Melayu. Perjuangan ini adalah diasaskan kepada konteks sejarah dan kemunduran sosio-ekonomi orang-orang Melayu, di dalam masyarakat berbilang kaum di negara ini. Kita haruslah meneruskan perjuangan kita, dengan penuh semangat kegigihan dan tanggungjawab. UMNO telah membuktikan kemampuannya di dalam perjuangannya. Masyarakat Melayu keseluruhannya harus sedar akan hakikat ini, dan menyokong perjuangan UMNO demi kepentingan bangsa, ugama dan negara.

...6/-

6.

8. Syukur Alhamdulillah,UMNO telah dapat mengekalkan kedudukannya sebagai Parti yang menjadi teras politik negara. Kita bukan sahaja mendapat sokongan masyarakat Melayu dan bumiputera,tetapi juga kaum-kaum lain di negara ini. Kejayaan ini, tidak lain dan tidak bukan, ialah hasil daripada pimpinan yang dedikasi, bertanggungjawab dan adil di semua peringkat, serta kerjasama daripada ahli-ahli UMNO. Kejayaan kita setakat ini bukanlah dicapai dengan mudah. Setiap ahli UMNO,serta setiap anggota masyarakat Melayu,harus sedar dengan hakikat ini.

...7/-

7.

Tuan-tuan dan Puan-puan sekalian.

9. Dasar pelajaran, dasar kebudayaan dan dasar pembangunan negara, telah digubal dengan teliti bagi kepentingan keseluruhan rakyat dan masa depan negara. Dasar Ekonomi Baru yang dilancarkan dalam tahun 1970, memberi keutamaan kepada matlamat perpaduan negara. Strategi pembasmian kemiskinan dan penyusunan semula masyarakat adalah dengan tujuan untuk meletakkan asas-asas perpaduan yang kukuh di kalangan rakyat berbilang kaum di negara kita. Pelaksanaan Dasar Ekonomi Baru dalam tempoh sepuluh tahun yang lalu, telah membawa berbagai-bagai kejayaan.  
...8/-

## 8.

Daya pengeluaran negara telah meningkat. Sektor-sektor moden telah berkembang dengan pesatnya. Kemudahan-kemudahan sosial dan infrastruktur telah diperluaskan. Kadar kemiskinan dan kadar pengangguran telah berkurangan. Kedudukan ekonomi bumiputera telah menjadi bertambah baik. Faedah pelaksanaan Dasar Ekonomi Baru telah dinikmati oleh keseluruhan rakyat.

## 10. Pelaksanaan Rancangan Malaysia

Keempat, akan membawa perubahan-perubahan yang lebih pesat lagu dibandingkan dengan tempoh sebelumnya. Rakyat, khususnya kaum bumiputera,

9.

mistilah mengambil kesempatan, untuk melibatkan diri di dalam usaha-usaha pembangunan ini, Setiap ahli UMNO hendaklah meningkatkan lagi usaha-usaha mereka di dalam pembangunan. Di samping itu, kita mistilah mengambil daya-usaha untuk menggalak dan mendorong bumiputera untuk menyertai usaha-usaha ini.

11. Salah satu daripada program yang penting di bawah Rancangan Malaysia Keempat, ialah pemilikan saham sektor syarikat oleh bumiputera. Sebagaimana kita maklum, Sekim

... 10/-

10.

Amanah Saham Nasional telah dilancarkan pada 20hb. April lalu, Setakat ini, sambutan rakyat bumiputera kepada Sekim ini adalah menggalakkan. Saya menggesa semua ahli UMNO untuk menyertai Sekim ini, dan mendorong rakyat bumiputera untuk mengambil bahagian. Sekim ini adalah sekim untuk semua bumiputera. Ia bukan untuk ahli-ahli sesuatu parti atau untuk golongan-golongan tertentu.

... 11/-

11.

Tuan-tuan dan Puan-puan sekalian.

12. Dasar-dasar yang kita laksanakan, adalah untuk kepentingan keseluruhan rakyat dan masa depan negara. Untuk meneruskan usaha-usaha ke arah perpaduan, keadilan, kemakmuran dan kesejahteraan, kita memerlukan kestabilan. Kita juga memerlukan sokongan dan kerjasama rakyat, bagi menjamin kejayaan program-program yang dirancangkan.

13. Tindakan-tindakan yang boleh memecah belahkan rakyat atau menghalang

... 12/-

## 12.

mereka daripada menyertai program-program untuk faedah mereka sendiri, boleh menjejaskan usaha-usaha ke arah pencapaian matlamat-matlamat negara. Demi kepentingan masa depan kita, semua pihak mestilah bertindak secara bertanggungjawab, bagi mencegah suasana yang tidak sihat daripada berlaku.

Tuan-tuan dan Puan-puan sekalian. 12A.

13a. Sebagaimana kita maklum, Perhimpunan Agung UMNO akan diadakan pada 26hb. Jun depan. Perhimpunan ini akan memilih pemimpin-pemimpin Partutermasuklah Presiden dan Timbalan Presiden. Presiden UMNO, sebagai Ketua Parti yang menjadi teras Kerajaan, akan juga memegang jawatan Perdana Menteri.

13b. Beban.tugas dan tanggungjawab seseorang Perdana Menteri adalah berat. Bagi negara kita yang pesat membangun dan dengan keadaan politik dan sosio-ekonomi masyarakat berbilang kaum, beban ini menjadi lebih berat

... 12B/-

12B.

lagi. Keadaan seperti ini, memerlukan pucuk pimpinan yang dapat menumpukan sepenuh fikiran dan tenaga, kepada semua masalah dan cabaran yang dihadapi oleh negara.

Tuan-tuan dan Puan-puan sekalian.

13c. Baru-baru ini terdapat berbagai spekulasi mengenai saya. Biarlah saya menjelaskan perkara ini.

13d. Sepertimana tuan-tuan dan puan-puan maklum, saya telah berkhidmat dengan Kerajaan

... 12C /-

12C.

lebih daripada 10 tahun. Dalam tempoh ini, saya telah memegang berbagai jawatan.

Jawatan Perdana Menteri telah saya pegang lebih daripada lima tahun.

13e. Dengan keadaan kesihatan saya akhir-akhir ini, saya telah menimbang dengan telitubeban dan tanggungjawab saya sebagai seorang Perdana Menteri dan Ketua Parti. Adalah menjadi harapan saya, bahawa pembedahan yang saya jalani, akan membolehkan saya menunaikan tanggungjawab-tanggungjawab yang

... 12D/-

12D.

diharapkan daripada Ketua Parti dan Perdana Menteri. Walau bagaimana pun, dalam tempoh selepas pembedahan ini .saya berasa bahawa kesihatan saya tidaklah sepertimana yang saya harapkan. Memandangkan kepada hal ini, saya khuatir saya tidak akan dapat memenuhi sepenuhnya tugas-tugas dan tanggungjawab-tanggungjawab jawatan-jawatan Ketua Parti dan Perdana Menteri. Demi kepentingan negara, jawatan Ketua Parti dan Perdana Menteri harus disandang oleh seorang yang tidak terganggu kesihatannya, dan dapat memikul sepenuhnya tanggungjawab dan

... 12E/-

12E.

tugas jawatan-jawatan ini.

13f. Perubahan pemimpin adalah perkara biasa. Perubahan ini hendaklah berlaku dengan licin dan teratur. Bagi menjamin keadaan ini, masa bagi sesuatu perubahan itu perlulah sesuai. Sebagaimana yang tuan-tuan dan puan-puan maklurutempoh saya memegang jawatan Presiden Parti akan berakhir dengan Perhimpunan Agung inudan Perhimpunan kali ini akan memilih pucuk pimpinan Parti. Ini merupakan masa yang paling sesuai bagi membuat perubahan. Oleh itu, saya telah membuat keputusan tidak

.... 12F/-

12F.

akan menerima pencalonan untuk bertanding  
baqi iawatan Presiden UMNO.

13g.       Ada pihak-pihak yang berpendapat  
bahawa,perletakkan jawatan saya harus dibuat  
selepas Pilihanraya akan datang. Ini memang  
telah saya timbangkan. Tetapi saya khawatir  
dengan keadaan kesihatan saya ini,ada kemungkinan  
terpaksa mengundur diri sebelum Pilihanraya  
itu. Ini sekiranya berlaku,mungkin menimbul  
kan masalah kepada orang yang mengambil alih

Ketua Parti dalam menghadapi Pilihanraya

....12Gh

12G

Keputusan saya untuk meletakkan jawatan  
Presiden Parti, menjelang Perhimpunan Agung  
ini, memberi masa yang cukup kepada pengganti  
saya untuk meneraju Parti.

13h.

jawatan Perdana Menteri akan saya bincangkan

*Adalah*

dengan Presiden UMNO yang baru.

*tujuan saya hendak meletakkan jawatan*

*ini dengan secepat mungkin.*

...12H/-

Tuan-tuan dan Puan-puan sekalian.

13i. Kepimpinan adalah faktor utama bagi menjamin kekuatan Parti kita. Kita mistilah menjamin supaya UMNO sentiasa mempunyai barisan pemimpin yang berkaliber. Oleh itu, kita mistilah memupuk kelahiran tokoh-tokoh yang dapat meneruskan perjuangan kita. Ini sentiasa menjadi panduan saya. Pendirian ini menjadi salah satu faktor di dalam keputusan saya tidak bertanding lagi.

...12//-

121.

13). Menjelang Perhimpunan Agung ini, ada Bahagian-bahagian yang telah mencalunkam saya untuk bertanding bagi jawatan Presiden Parti. Saya merasa terharu di atas keyakinan terhadap saya itu, dan mengucapkan berbanyak terima kasih. Dengan penjelasan yang saya berikan tadi saya harap ahli-ahli UMNO akan

saya itu.

...13/-

13.

Tuan-tuan dan Puan-puan sekalian.

14. Saya mengucapkan berbanyak terima kasih kepada semua pihak yang telah menjayakan Majlis ini. Saya harap Mesyuarat Perwakilan ini akan berjalan dengan licin dan berkesan.

15. Dengan segala sukacitanya.saya merasmikan Mesyuarat Perwakilan ini.

Wabillahit-taufiq, walhidayah,

Wassalamu'alaikum Warahmatullahi

Wabarakatuh.



No. Siri ..... 520  
No. Penerimaan ..... 124/81